

Broj predmeta: 48-000663/20
Broj akta: 13-741DG-0046/24
Datum, 6. 8. 2024. godine
Mjesto, Brčko

Na osnovu člana 9. Zakona o javno-privatnom partnerstvu u Brčko distriktu Bosne i Hercegovine („Službeni glasnik Brčko distrikta BiH“, broj: 7/10 i 22/23), člana 4. Odluke Vlade Brčko distrikta BiH o provođenju postupka odabira konsultanta, broj predmeta: 02-000166/23, broj akta: 01.11- 0323SR-058/24 od 27. 3. 2024. godine, a u vezi s Odlukom Skupštine Brčko distrikta BiH o odobravanju uvrštavanja projekata na listu projekata javno-privatnog partnerstva, broj: 01-02-6716/23 od 9. 11. 2023. godine, **Komisija za javno-privatno partnerstvo Brčko distrikta BiH raspisuje**

JAVNI POZIV ZA IZBOR KONSULTANTA

A) PRAVNI OSNOV ZA RASPISIVANJE JAVNOG POZIVA

Skupština Brčko distrikta Bosne i Hercegovine je dana 9. 11. 2023. godine usvojila Odluku o odobravanju uvrštavanja projekata na listu projekata javno-privatnog partnerstva, broj: 01-02-6716/23. Tom odlukom na listu projekata javno-privatnog partnerstva uvršten je i projekat: „Osiguranje specijalizovanih zdravstvenih usluga visokodiferencirane zdravstvene zaštite pacijentima Brčko distrikta BiH s posebnim segmentom za onkološke bolesnike u okviru dijagnostičko-terapijskog centra onkološke bolnice u sklopu kruga Bolnice Brčko distrikta Bosne i Hercegovine“.

Na osnovu člana 9. Zakona o javno-privatnom partnerstvu u Brčko distriktu Bosne i Hercegovine („Službeni glasnik Brčko distrikta BiH“, broj: 7/10 i 22/23) i člana 4. Odluke Vlade Brčko distrikta BiH o provođenju postupka odabira konsultanta, broj predmeta: 02-000166/23, broj akta: 01.11- 0323SR-058/24 od 27. 3. 2024. godine, Komisija za javno-privatno partnerstvo Brčko distrikta BiH provodi postupak odabira konsultanta, putem javnog poziva.

Konsultant je fizičko ili pravno lice koje posjeduje specijalistička znanja nužna za pripremu, ugovaranje i provedbu JPP-a.

B) PODACI O JAVNOM PARTNERU

Brčko distrikt Bosne i Hercegovine, koji zastupa gradonačelnik Brčko distrikta BiH.

C) PREDMET JAVNOG POZIVA

Predmet javnog poziva jeste izbor jednog (1) konsultanta, sa zadatkom da u skladu sa Zakonom o javno-privatnom partnerstvu u Brčko distriktu Bosne i Hercegovine, Projektnim zadatkom koji se nalazi u prilogu ovog javnog poziva pripremi prijedlog dokumenta za odobrenje provođenja projekta s odgovarajućim finansijskim, tehničkim, socijalno-ekonomskim i pravnim izvještajem.

D) FINANSIJSKI OKVIR ODNOSNO MAKSIMALNI IZNOS PLANIRANIH SREDSTAVA ZA OVE NAMJENE

Sredstva za angažovanje konsultanta osigurana su u Budžetu Brčko distrikta BiH i čine dio javne investicije u projekat javno-privatnog partnerstva.

Iznos sredstava na koji se planira zaključiti ugovor iznosi do 10.000,00 KM.

E) VREMENSKI PERIOD ZA PROVOĐENJE KONSULTANTSKIH USLUGA

Vrijeme angažovanja: 60 radnih dana.

Rok za izradu prijedloga dokumenta je 30 dana.

F) KVALIFIKACIONI KRITERIJI ZA KONSULTANTA

I. Opći kvalifikacioni kriteriji su:

a) za fizička lica:

- VII. stepen stručne spreme odnosno prvog (najmanje 240 ECTS bodova), drugog ili trećeg ciklusa Bolonjskog sistema studiranja odgovarajućeg smjera,
- minimalno 5 (pet) godina relevantnog radnog iskustva i
- minimalno 3 (tri) pozitivne preporuke od ranijih poslodavaca i/ili klijenata;

b) za pravna lica:

- registracija odgovarajuće djelatnosti,
- minimalno 3 (tri) angažovane osobe koje ispunjavaju kriterije iz tačke a) za fizička lica,
- minimalno jedna potvrda o uredno izvršenom ugovoru, po mogućnosti da je ugovor relevantan za JPP.

II. Tehničko-finansijski kvalifikacioni kriteriji su:

a) razumijevanje projektnog zadatka, na maksimalno jednoj A4 stranici;

b) finansijska ponuda (bruto iznos dnevnice i troškovi);

c) ovjerena izjava o nepostojanju sukoba interesa.

„*Sukob interesa*“ predstavlja situaciju u kojoj fizičko ili pravno lice angažovano kao konsultant u bilo kojoj fazi pripreme i implementacije projekta javno-privatnog partnerstva ostvaruje i/ili će ostvariti materijalnu i/ili nematerijalnu korist od zainteresovanog ponuđača odnosno budućeg privatnog partnera tj. imaju privatni interes koji utiče ili može uticati na zakonitost, javnost, objektivnost i nepristrasnost u vršenju njegove funkcije konsultanta javnog partnera.

III. Posebni kvalifikacioni kriteriji:

a) iskustvo u pripremi i realizaciji projekta JPP,

b) iskustvo u pripremanju, ugovaranju i realizaciji kompleksnih infrastrukturnih i investicijskih projekata u kojima je jedna od strana organ javne vlasti,

c) dobro poznavanje engleskog jezika.

G) SPISAK NEOPHODNE DOKUMENTACIJE

a) za fizička lica:

- dokaz o stručnoj spreml;
- dokaz o relevantnom radnom iskustvu;
- minimalno tri pozitivne preporuke od ranijih poslodavaca i/ili klijenata;
- dokaz o poznavanju engleskog jezika, koji mora biti na jednom od službenih jezika u Bosni i Hercegovini;
- uvjerenje/certifikat o aktivnom znanju stranog jezika, nivo B2, C1 ili C2 jezičke kompetencije prema Zajedničkom evropskom referentnom okviru za jezike, izdato od škole ili druge institucije koja se bavi edukacijom stranih jezika, bez obzira da li se nalazi u Bosni i Hercegovini ili izvan nje;

- diploma ili druga isprava koja potvrđuje stečeno znanje ili zanimanje koje je neposredno vezano za znanje stranog jezika (npr. profesor stranog jezika, prevodilac i sl.),
- diploma završenog fakulteta ili stečenog naučnog zvanja u Bosni i Hercegovini ili u inostranstvu na osnovu koje se nedvosmisleno može utvrditi da je isto školovanje u cjelini završeno na stranom jeziku.

b) za pravna lica:

- rješenje o registraciji;
- dokaz o načinu angažovanja minimalno tri osobe koje ispunjavaju kriterije iz tačke a);
- minimalno jedna potvrda o uredno izvršenom ugovoru, po mogućnosti da je ugovor relevantan za JPP.

c) za fizička i za pravna lica:

- razumijevanje projektnog zadatka, na maksimalno jednoj A4 stranici;
- finansijska ponuda;
- ovjerena izjava o nepostojanju sukoba interesa;
- ugovor ili potvrda da je sudjelovao u realizaciji projekta iz oblasti JPP-a.

Svi dokazi dostavljaju se u originalu ili ovjerenoj kopiji.

H) NAČIN PODNOŠENJA PRIJAVE

Javni poziv će biti objavljen na službenoj internet stranici Vlade Brčko distrikta BiH i ostaje otvoren petnaest (15) dana od dana objavljivanja.

Rok za podnošenje prijave je 26. 8. 2024. godine do 15.30 sati.

Prijave s pratećom dokumentacijom u zatvorenoj koverti zainteresovani kandidati mogu dostaviti lično u zgradu Vlade Brčko distrikta BiH – Bulevar mira br. 1, pult 6, 7 ili putem pošte na adresu: **Komisija za javno-privatno partnerstvo Brčko distrikta BiH, s naznakom: „Prijava za Javni poziv za angažovanje konsultanata za projekat JPP Osiguranje specijalizovanih zdravstvenih usluga visokodiferencirane zdravstvene zaštite pacijentima Brčko distrikta BiH s posebnim segmentom za onkološke bolesnike u okviru dijagnostičko-terapijskog centra onkološke bolnice u sklopu kruga Bolnice Brčko distrikta Bosne i Hercegovine – Ne otvarati osim u prisustvu Komisije“, Bulevar mira 1, Brčko distrikt BiH.**

Nepotpune i nepravovremene prijave koje stignu izvan utvrđenog roka neće biti uzete u razmatranje. Dokumentacija dostavljena uz Prijavu se ne vraća podnosiocu.

I) NAČIN RAZMATRANJA PRIJAVA I KRITERIJ ZA ODABIR

Odabir konsultanta provodi Komisija za javno-privatno partnerstvo Brčko distrikta BiH.

Kriterij za odabir konsultanta je ekonomski najpovoljnija ponuda ili najniža cijena.

J) POSTUPAK ZAKLJUČENJA UGOVORA, NAČIN ZAŠTITE PRAVA I INTERESA

Po završenoj proceduri odabira konsultanta Komisija sastavlja prijedlog Odluke o odabiru konsultanta i dostavlja Vladi Brčko distrikta BiH.

Sastavni dio prijedloga Odluke čini spisak prijavljenih kandidata koji ispunjavaju opće i posebne kvalifikacione kriterije, ime i prezime fizičkog odnosno naziv pravnog lica za koje Komisija daje preporuku da odlukom Vlade bude odabrano kao konsultant, uz kratko obrazloženje preporuke.

Konačnu odluku o odabiru konsultanta donosi Vlada Brčko distrikta BiH.

Javni partner s izabranim konsultantom zaključuje odgovarajući ugovor, kojim se definišu međusobna prava i obaveze. Projektni zadatak je sastavni dio ugovora.

K) DRUGI PODACI OD ZNAČAJA ZA PODNOŠENJE PRIJAVE I ODLUČIVANJE

Projektni zadatak se nalazi u prilogu ovog javnog poziva.

Projektni zadatak je sastavni dio ugovora koji će javni partner zaključiti sa odabranim konsultantom.

L) OBRAZAC PRIJAVE

Obrazac prijave se može preuzeti na internet stranici Vlade Brčko distrikta BiH (www.vlada.bdcentral.net).

ZAMJENIK PREDSJEDNIKA KOMISIJE

Janja Geljić